

mano de assaissimi debitori, nodari, scrivani, massari et altri per grande summa de rason de tanse, 30 et 40 per cento, et mità del netto, et de li sui depositi non pagati integralmente, alli quali, benchè siano stà dà tuti li termini et habilità possibile, et li siano stà *etiam* imposte diverse pene, *tamen* hanno saputo et *cum* pregare et *cum* sui mezi far sì che fin hora poeo frutto hanno fatto tante experientie et deliberatione de questo Consiglio: et però, a condur una volta questa materia al debito fine molto necessario in questi urgentissimi tempi,

L'anderà parte, che salve in tuto le parte ne li superior giorni sopra de ciò prese, li sia adiuneto, deliberato et *firmiter* statuito, che Zuan Spinelli et Lorenzo di Avanzi da li governadori di le intrade, sotto debito de sacramento da esserli solennemente dato per el Serenissimo Principe et soto pena de ducati cento d'oro et immediata privatione de l'officio, debano subito tuti li debitori a quel officio de rason de tanse 30 et 40 per cento, mità del netto et de' depositi, far notar ne li officii dove sono, *cum* intimar alli loro signori che non li debano per alcun modo lassar, nè per sè nè per altri scontar, nè exercitar l'officio se i non haverano bolletini et fede de aver integralmente pagato cadauno el suo debito, sotto pena, a chi de essi signori comportasse o consentisse in contrario, de pagar tuto el debito et ducati cento d'oro del suo irremissibilmente; et si el salario come utilità de questi debano portar li signori in la Signoria nostra a l'officio di governadori. Et s'el ne venisse alcuno sì temerario che, non havendo pagato el suo debito per sè o per altri ardisse ingerirse ne l'officio, quello debano li signori, sotto la pena antedicta, far retener ad instantia de la Signoria nostra, nè possa esser relaxato s'el non haverà satisfato al debito integralmente. Et qualunque de essi signori manchasse de tale executione, siano tenuti li prenominati scrivani de' governadori nostri, sotto la pena medesima, mandarlo debitor a palazzo, et notarlo *etiam* debitor ne li libri de l'officio di governadori, el qual non se possi depenar se non haverà pagato integralmente sotto pena a chi el depe-nasse de ducati 200 d'oro et pagar el debito suo. Et la presente parte se deba lezer nel primo Mazor Consiglio ad intelligentia de tuti.

166\* *Exemplum.*

*Die octavo junii, in Rogatis.*

Essendo li bisogni presenti de qualità che ricercano doverse trovar danari per ogni via possibile,

L'anderà parte, che a tuti li soliti pagar decime et a tuti quelli che per la parte hora presa de le possessione de fuora et de le tenute dieno esser compresi, siano poste do decime prese ad conto di l'anno che principierà da mezo del presente indriedo, le qual se debano pagar a l'officio nostro di governadori de le intrade, la prima per tuto 25 *cum* don de 10 per 100 a quelli le pageranno de contadi ne li termini limitadi.

Possase pagar *cum* el credito dei danari prestadi et altri crediti che per deliberatione de questo Consiglio pono scontar *cum* el don contenuto in le deliberatione prese, *cum* quel modo et forma fono pagate le ultime graveze poste al Monte Novissimo.

*Die nono.*

Acciò che exequir se possa quello è necessario per conseguir in tempo la gratia che se ne offerisce al presente de la immensa clementia de Dio, si conviene hora haver prompta grande summa de danari, e però,

L'anderà parte, che a tutti li soliti pagar tanse sia posta meza tansa da esser pagata in danari contadi et non altramente, a restituir in questo modo, cioè che quelli la pagerano per tuto di 15 de questo mese habiano 10 per cento de don, et la restitution far se deba a cadauno per el medesimo ordine che l'averà pagato, de li danari da l'officio del sal, *videlicet* de li datii de le cità nostre de Padoa, Treviso et Vicenza da poi che serà compita de pagar la ultima meza tansa, la qual è zà principata a restituir.

*A dì 9, la mattina.* In Colegio veneno li oratori 167  
Papa, Imperador et Spagna et uniti stanno insieme, perchè si pol dir l'Imperador sia in la liga, et erano li cai di X, et fono zercha mandar danari a' sguizari iusta le letere vene di campo, di grandissima importantia; et fo terminato che lo episcopo di Monopoli orator pontificio vadi in campo doman di note a portar, per nome dil Papa, li ducati 10 milia l'ha, e darli al cardinal predito per il Papa. *Etiam* l'orator yspero manderà danari, e cussi la Signoria, e darano parte al signor Alberto da Carpi orator cesareo, al qual si voleva dar più summa. El qual orator fa optimio officio verso le cosse di la Signoria nostra. *Etiam* monsignor di la Roxa, qual eri sera fu cavato di Toresele, e cussi li altri et alozà in Fontego di todeschi honoratamente.

*Di campo, dil provedador Capello vene letere pocho da poi terza, date a la Cavaliera a*